

神異典

神異典第二百卷

僧部藝文六

詩

送僧遊山

唐熊孺登

雲身自在山山去何處靈山不是歸日暮寒林投古寺雪花飛滿水田衣

送僧遊天台

鮑溶

金嶺雪晴僧獨歸水文霞采衲禪衣可憐石室燒香夜江月對心無是非

秋夜懷紫閣寺僧

前人

滿山雨色應難見隔澗經聲又不聞紫閣夜深多入定石臺誰爲掃秋雲

送眞實上人歸杭州天竺

姚合

石橋寺裏最清涼聞說茅庵寄上方林外猿聲連院磬月中潮色到禪牀他生念我身何在此世唯
師性亦忘九陌相逢千里別青山重疊樹蒼蒼

送僧歸富春

鄭巢

憶過僧禪處
溪山抱竹門
古房關薜色
秋徑掃潮痕
石靜聞泉落
沙寒見鶴翻
終當從此望
更與道人言

送琇上人

前人

古殿焚香外
清羸坐石稜
茶烟開瓦雪
鶴跡上潭冰
孤磬侵雲動
靈山隔水登
白雲歸意遠
舊寺在廬陵

贈蠻僧

前人

南海何年過
中林一磬微
病逢秋雨發
心逐暮潮歸
久臥前山寺
僧縫故國衣
近來慵步履
石蘚滿柴扉

送無相禪師入關

章孝標

九衢車馬塵
不染了空人
暫舍中峯雪
應看內殿春
齋心無外事
定力見前身
聖主方崇教
深宜謁紫宸

贈僧雲棲

張祐

塵尾與筇杖幾年離石壇
梵餘林雪後基罷嶽鐘殘
開卷喜先悟漱瓶知早寒
衡陽寺前鴈今日到長安

贈禪師

前人

坐見三生事宗傳一衲來
已知無法說心向定中灰

送僧遊溫州

朱慶餘

夏滿隨所適江湖非繫緣
卷經離嶠寺隔葦上秋船
水落無風夜猿啼欲雨天
石門期獨往謝守有遺篇

送僧

前人

客行皆有爲師去是閒遊
野望携金策禪棲寄石樓
山深松翠冷潭靜菊花秋
幾處題青壁袈裟澣瀑流

尋僧

前人

吟背春城出草遲天晴紫閣赴僧期
山邊樹下行人少一派新泉日午時

寄宗靜上人

雍陶

世上方傳法山中未得歸
閒花飄講席馴鴿污禪衣
積雨誰過寺殘鐘自掩扉
寒來垂頂帽白髮剃應稀

懷無可上人

前人

山寺秋晴後僧家夏滿時
清涼多古蹟幾處有新詩

贈南嶽僧

李遠

曾住衡陽嶽寺邊門開江水與雲連
數州城郭藏寒樹一片風帆著遠天
猿去不離行道處客來皆到臥牀前
今朝惆悵紅塵裏誰憶閒塘盡日眠

大夢上人自廬峯回

杜牧

行脚尋常到寺稀一枝藜杖一禪衣
開門滿院空秋色新向爐峯過夏歸

贈終南蘭若僧

前人

北闕南山是故鄉兩枝仙桂一時芳
休公都不知名姓始覺禪門氣味長

還俗老僧

前人

雪髮不長寸秋寒力更微獨尋一徑葉猶挈衲殘衣日暮千峯裏不知何處歸

晨別脩然上人

許渾

吳僧誦經罷敗衲倚蒲團鐘韻花猶斂樓陰月向殘晴山開殿響秋水捲簾寒獨恨孤舟去千灘復萬灘

贈閑師

前人

近日高僧更有誰宛陵山下遇閑師東林共許三乘學南國爭傳五字詩初到庾樓紅葉墜夜投蕭寺碧雲隨秋江莫惜題佳句正是磷磷見底時

乘月棹舟送大曆寺靈聰上人不及

前人

萬峯秋盡百泉清舊鎖禪扉在赤城楓浦客來烟未散竹窗僧去月猶明杯浮野渡魚龍遠錫響空山虎豹驚一字不留何足訝白雲無路水無情

送太昱禪師

前人

古今圖書集成

禪牀深竹裏心與徑山期結社多高客登壇盡小師早秋歸寺遠新雨上灘遲別後江雲碧南齋一首詩

白馬寺不出院僧

前人

禪心空已寂世路任多岐到院客長見閉關人不知寺喧聽講絕廚遠送齋遲牆外洛陽道東西無盡時

贈僧

前人

心法本無住流沙歸復來錫隨山鳥動經附海船回洗足柳遮寺坐禪花委苔惟將一童子又欲上天台

送無夢道人先歸甘露寺

前人

飄飄隨晚浪杯影入鷗羣萍凍千船雪巖陰一寺雲夜登江北見寒磬水西聞鶴嶺烟霞在歸期不羨君

寄敬上人

前人

萬山秋雨水縈迴紅葉多從紫閣來雲冷竹齋禪衲薄已應飛錫過天台

奉寄安國大師兼簡子蒙

李商隱

憶奉蓮花座兼聞貝葉經巖光分蠟屐澗響入銅瓶日下徒推鶴天涯正對螢魚山羨曹植眷屬有文星

憶住一師

前人

無事經年別遠公帝城鐘曉憶西峯爐煙銷盡寒燈暗童子開門雪滿松

別臻師

前人

昔去靈山非拂席今來滄海欲求珠楞伽頂上清涼地菩眼僊人憶我無

華師

前人

孤鶴不睡雲無心衲衣筇杖來西林院門晝鎖迴廊靜秋日當階柿葉陰

同崔八詣藥山訪融禪師

前人

共受征南不次恩報恩惟是有忘言巖花澗草西林路未見高僧只見猿

贈空禪師

喻冕

虎見修行久松知夏臘高
寒堂坐風雨瞑目尙波濤

送僧歸廬山

趙嘏

禪栖忽憶五峯遊去著方袍
謝列侯經啟樓臺千葉曙
錫含風雨一枝秋題詩片石侵雲在洗鉢香泉覆菊流
却憶前年別師去馬嘶殘月虎溪頭

贈天卿寺神亮上人

師不下寺已五年

前人

五看春盡此江濱花自零風日自曛
空有慈悲隨物念已無蹤跡在人羣
迎秋日色簷前見入夜鐘聲竹外聞
笑指白蓮心自得世間煩惱是浮雲

尋僧

前人

谿戶無人谷鳥飛石橋橫木挂禪衣
看雲日暮倚松立野水亂鳴僧未歸

寄石橋僧

項斯

逢師入山日道在石橋邊病後何人見
秋來幾處禪溪中雲隔寺夜半雪添泉
生有天台約無知却

出緣

送僧歸金山寺

馬戴

金陵江色裏蟬急向秋分迴寺橫洲島歸僧渡水雲夕陽依岸盡清磬隔潮聞遙想禪林下鑪香對月焚

寄終南真空禪師

前人

閑想白雲外了然清淨僧松門山半寺夜雨佛前燈此境可長住浮生自不能一從臨下別瀑布幾成冰

寄西嶽白石僧

前人

挂錫中峯上經行躡石梯雲房出定後嶽月在池西峭壁殘霞照欹松積雪齊年年著山屐曾得到招提

贈別空公

前人

雲門秋却入微徑久無人後夜中峯月空林百衲身寂寥寒磬盡盟漱瀑泉新履跡誰相見松風掃

石塵

送僧二首

前人

親在平陽久憶歸
洪河雨漲出關遲
獨過舊寺人稀識
一一杉松老別時
龕中破衲自持行
樹下禪牀坐一生
來往白雲知
歲久滿山猿鳥會
經聲

秋日送僧志幽歸山寺

前人

禪室繩牀在翠微
松間荷笠一僧歸
磬聲寂歷宜秋夜
手冷鐙前自納衣

贈禪師

薛能

夢想青山寺前年
住此中夜堂吹竹雨
春地落花風舊句
師曾見清齋我亦同
浮生蹇莫問辛苦未
成功

送禪師

前人

寒空孤鳥度落日
一僧歸近寺路聞梵
出郊風滿衣步搖瓶
浪起孟憂磬聲微
還坐棲禪所荒山月
照扉

贈黃蘗山僧希運

裴休

自從大士傳心印
額上圓珠七尺身
挂錫十年棲蜀水
浮杯今日度漳濱
一千龍象隨高步
萬里香花結勝因
擬欲事師爲弟子
不知將法付何人

送僧歸天台

賈島

辭秦經越過歸寺
海西峯石澗雙流水
山門九里松曾聞
清禁漏却聽赤城鐘
妙字研磨講應齊
智者蹤

送僧遊衡嶽

前人

心知衡嶽路不怕
去人稀船裏猶鳴磬
谿頭自曝衣有家
從小別無寺不言歸
料得逢寒往當禪雪
滿扉

送僧

前人

大內曾持論天南
化俗行舊房山雪在
春草岳陽生曉了蓮
經義堪任寶蓋迎
王侯皆護法何寺講
鐘鳴

寄無可上人

前人

僻寺多高樹涼天憶重遊
磬過溝水盡月入草堂秋
穴蟻苔痕靜藏蟬柏葉稠
名山思徧往早晚到嵩丘

送天台僧

前人

遠夢歸華頂扁舟背岳陽
寒蔬修淨食夜浪動禪牀
鴈過孤峯曉猿啼一樹霜
身心無別念餘習在詩章

送勵宗上人

前人

擁策背岷峩終南雨雪和
漱泉秋鶴至禪樹夜猿過
高頂白雲盡前山黃葉多
會吟廬嶽上月動九江波

送法華法師

前人

在越居何寺東南水路歸
秋江洗一鉢寒日曬三衣
默聽鴻聲盡行看葉影飛
囊中無寶貨船戶夜扁稀

送知興上人

前人

久住巴興寺如今始拂衣欲臨秋水別不向故山歸錫挂天涯樹房閑嶽頂扉下看萬里曉霜海日生微

贈越僧岳雲

溫庭筠

世機消已盡巾履亦飄然一室故山月滿屏秋澗泉禪庵過微雪鄉寺隔寒烟應共白蓮客相期松桂間

寄清涼寺僧

前人

石路無塵竹徑開昔年曾伴戴顓來牕間半偈聞鐘後松下殘碁送客回簾向玉峯藏夜雪砌因藍水長秋苔白蓮社裏如相問爲說游人是姓雷

送元叙上人歸上黨

時罷兵

劉滄

太行關路戰塵收白日思鄉別沃州薄暮焚香臨野燒清晨漱齒涉寒流溪邊殘壘空雲水上孤城對驛樓此去寂寥尋舊跡蒼苔滿徑竹齋秋

留別復本修古二上人

前人

二遠相知是昔年此身長寄禮香烟綠蕪風晚水邊寺清磬月高林下禪臺殿虛牕山翠入梧桐疎葉露光懸西峯話別又須去終日關山在馬前

送圓載上人歸日本國

皮日休

講殿談餘著賜衣擲帆却返舊禪扉貝多紙上經文動如意瓶中佛爪飛颺母影邊持戒宿波神宮裏受齋歸家山到日將何入白象新秋十二圍

訪寂上人不遇

前人

何意尋雲暫廢禪客來還寄草堂眠桂寒自落醵經案石冷空消洗鉢泉爐裏尙飄殘玉篆龕中仍鑲小金仙須將二百籤迴去待得支公恐隔年

和題支山南峯僧次韻

陸龜蒙

眉毫霜細欲垂肩自說初棲海嶽年萬壑烟霞秋後到一林風雨夜深禪時醵貝葉添新藏閒插松枝護小泉好是清冬無外事匡牀齋罷向陽眠

同皮襲美訪寂上人

前人

月樓風殿靜沉沉披拂霜華訪道林鳥在寒枝栖影動人依古堞坐禪深明時尙阻青雲步半夜猶追白石吟自是海邊鷗伴侶不勞金偈更降心

贈老僧二首

前人

枯貌自同霜裏木餘生惟指佛前燈少時寫得坐禪影今見問人何處僧自有山家供衲線不離谿曲取庵茅舊曾聞說林中鳥定後常來頂上巢

訪僧不遇

前人

棹倚東林欲問禪遠公飛錫未應還蒙莊弟子相看笑何事空門亦有關

送圓載上人歸日本

顏宣

師來一世恣經行却向滄溟問去程心靜已能防渴鹿聲喧時爲駭長鯨禪林幾結金桃重梵室重修鐵瓦輕料得還鄉無別利只因先見日華生

上柏梯寺懷舊僧

司空圖

雲根禪客居皆說舊吾廬松日明金像苔龕響木魚依棲應不阻名利本來疎縱有人相問林間懶折書

贈圓昉公

前人

天階讓紫衣冷格鶴猶卑道勝嫌名出身閒覺老遲晚香延宿火寒磬度高枝每說長松寺他年與我期

聞仰山禪師往曹谿因贈

張喬

曹谿松下路猿鳥重相親四海求元理千峯繞定身異花天上墮靈草雪中春自惜經行處焚香禮舊真

贈敬亭清越上人

前人

海上猶隨緣歸來二十年久閒時得句漸老不離禪砌木欹臨水窗峯直倚天猶期向雲裏別掃石牀眠

寄山僧

前人